

81  
LAVRETANA  
DOMVS  
DIVINITATIS DELICIVM

# ORATIO

AVCTORE

IO. BAPTISTA  
GIATTINO.  
SOCIETATIS IESV




ROMAE,

Typis Haredum Corbelletti. M. D. L II.

**Imprimatur**

**Si videbitur Reuerendiss. P. Mag. Sac. Pal. Apost.**

**A. Riualdus Vicefg.**



**Imprimatur**

**F. Vincentius Fanus Mag. & Socius Reuer. P. Fr. Vincentij Candidi Sac. P. A. Mag. Ord. Præd.**



EMINENT.<sup>mo</sup> AC REVER.<sup>mo</sup> D.

# IO. BAPTISTAE PALLOTTO


IO: BAPTISTA GIATTINVS  
Felicitatem.



VDACIAM tra-  
xit ab argumento  
tenuis hec Oratio  
PRINCEPS  
EMINENTIS-  
SIME, vt impe-  
rio Tuo in lucem publicam pro di-  
tura, serenae humanitatis Tue obtu-  
tibus se se offerat, Tuo nomine cora-  
nata; satis enim omnes intelligimus,  
Tibi amplius integrum non esse, vt  
quidquid Lauretanę Domus ampli-

4  
tudini seruit, apud Te vel in primis  
gratiosum non sit, Tuaque beneuo-  
lencia, ac patrocinio, suo quasi iure,  
non perfruatur. Diu iam est, quod  
in Agro Piceno constitit augustissi-  
ma Domus, vbi peregrinanti quoti-  
die Mundo diuinę liberalitatis do-  
na dispergit; At ardentissime pieta-  
tis Tuę obsequio incōparabili Te-  
cum illam, quocunque pergis, per-  
petuo conuehis, & in omnium cor-  
dibus locas, nempe inter viua sacra-  
ria Diuinitatis. Excipe igitur, qua  
soles benignitate, Princeps huma-  
nissime, in hac Orationis tenuitate  
obsequentissime voluntatis meę si-  
gnificationem, animumq. Tuis nu-  
tibus addictissimum patrociniј Tui  
festiuitate complectere.





# ORATIO.



V M Lauretanæ Domus gloriam,  
ac dignitatem mente sæpius vo-  
lutarem (*Princeps Eminentissime*)  
non semel peruasit animum cu-  
riosa quædam admiratio, & per-  
uestigandi cupiditas, quid tan-  
dem causæ fuerit, quod ex om-  
nibus Palæstinæ monumentis,  
quæ corporatus olim Diuini Patris filius suo vel vsu,  
vel tactu, vel etiam sudore, ac sanguine nobilitauit,  
euexitque quodammodo suprâ sortem, conditionem-  
que mortalem; sola Virginis Domus Diuinæ Omni-  
potentiæ Dextera, & Angelorum famulantium mini-  
sterio ex impia barbarorum seruitute erepta fuerit, ac  
pias in terras fidelium asportata, ibique sæpius quasi  
Colonorum vitia detestaretur, in varias translata sæ-  
des, ac tandem in plaga terrarum foelicissima inter  
pietatis obsequia, inter confluentium Nationum sup-  
plicationes, & vota, inter totius pene orbis ad se por-  
grinantis cultum, adorationeq. collocata? Quid Ser-  
uatoris Dei tunica pretiosius, quid primis incunabu-  
lis venerabilius? Quid eiusdem vitali sepulchro san-  
ctius, quid gloriosius, cui vel ex oraculo veritatis am-  
plissima postmodum gloria debebatur; Quid augus-  
tius, planèquæ diuinius clauis, lancea, spinis, sindone,  
ipsa Crucis Maiestate diuino sanguine purpurâtis, tan-  
to iam in pretio, tantoque tempore in amore præ cæte-  
ris apud Deum, vt solam sibi delegerit diuini sociam

honoris, cultusque patriæ? Et tamen eadem Crux ag-  
nos plurimos captiua hostium contumelias, impietate-  
temque sustinuit; sepulchrum vel adhuc sceleratæ a-  
uaritiæ non tributarium solum est, sed indignissimi tri-  
buti loco; reliqua piorum vel cura, vel pretio à rapi-  
nis, incendijs, vastitate barbarorum ægre subtracta;  
nulli certe ipsa per se diuinæ potentia mirabili quadā  
ostentatione porrexerat dexteram, nulli coelestis aulae  
proceres supposituerunt humeros, atq. ceruices, nulli  
prouidentissima Dei Charitas, tam constanti diligen-  
tia, tam sollicita procuratione consuluit vltra leges,  
consuetudinemq. naturæ: solam Virg. Matris Domum  
multiplici, continentiq. serie miraculorum, amantissi-  
ma Dei prouidentia non modo integram, inuiolatāq.  
seruauit, sed in sinu Christianæ religionis, inter deli-  
cias pietatis, sub assidua liberalitatis suæ profusione,  
inter lumina sanctitatis, & gloriæ semper sita esse vo-  
luit, tanquam diuinæ beneuolentiæ singulare porten-  
tum; vt in hac faustissima Domo iam penè oculis ad-  
miremur expletam diuinam prænotionem. In sole  
posuit tabernaculum suum.

Verum non sine maximo rationis impulsu in hac  
ostenta prorupit Diuina Beneficentia, quibus tantæ  
Domus excellentiam, ac sanctitatem ad Cœli penè  
inuidiam comprobauit. Aequissima namq. ratio pos-  
tulabat, vt qui duplicem habebat originem, alterā in  
Cœlo à Deo Patre, in terris alteram à Matre Virgine,  
Parentis vtriusq. Domum eximia quadam beneuolē-  
tia complecteretur, & si paternam ad beatæ foelicitatis  
palatium triumphantis destinaret, maternam cer-  
tè ad laborantis pietatis solatie decertantibus asser-  
uaret. Quanta solemus ambitione nos homunculi  
gentilitia stemmata, atq. insignia paternæ, maternæq.  
familie in locis augustioribus sempiternæ memoriæ  
dedicare, quibus vtriusq. nobilitatem sanguinis illu-  
strius ostentemus! Et mirabimur ynquam, si Dei simul

ac Virginis filius Domum hanc, maternę cognationis insignie, paterno quodammodo exæquat Cœlo? si isdem, quę Cœlum rotant, intelligentijs, eius custodiam, gestationemq. demandat? Si tantam in ea statuit communicationem cum Cœlo, vt ambo vitiorum contagia pati non possint? Si nihil habet in terris gratius, vbi cœlestis opulentię dona diffundat? Si tam arctam, ac reciprocam voluit beatissimę Domui coniunctionem esse cum Cœlo, vt Diuini Senatus consulta de nostra salute in Cœlo quidem celebrata videremur, at amplissima pro eadem salute merita hac in Domo recolamus exhibita, in qua primum Deus homo libero voluntatis amplexu humana scelera peramanter in se recepit? Mirarer equidem potiùs, quod Cœlo Domum hanc non intulerit, vt sanctissima illa Saxa immortalitati consecrarentur, inter quę coepit exordium Immortalitas, nisi Diuinam in hoc ipso liberalitatem animaduernerem in sponsam suam, cui prodote Cœlum, paternam videlicet hæreditatē dedit in spe, maternam verò re ipsa tradidit, quando Virginis Domum in ipsius Sponsę gremio posuit, vt beatarum mentium Coloniam, & cœlestium gratiarum, municipium, eiusdem, ac Cœlum iuris, & libertatis. Cogebatur Sponsus amantissimus à sponsa recedere, vt eidem cœlestem viam sterneret ad beatam immortalitatem; at incredibili Diuini Amoris inuento, dum recedit, simul permanet sub adspectabili panis integumento; Virginem Matrem delicias suas nec à se diuelli diutius patiebatur, neq. cum sponsa poterat orbata deferere; alterum pariter moliri Sacramentum in ipsa Virgine, periculosum omnino fuisset pię credentium propensione, ne Diuinitatem eandem suspicaretur in Matre, quam sub simillimis argumentis adorasset in filio. Quid ergo? Matris loco maternam Domum sponsę reliquit, quam certè cum subiret, presentem sibi Virginem cernere videretur, presentem al-



loqui, ac venerari, illi sua senſa animi p̄dere, illi ſua  
 arumnas, miſeriaſq. depromere, ab eadē pr̄ſente op̄e  
 ſibi, tutelam, patrociniū impetrare; Si enim ipſam  
 rerum pr̄ſentiam non ſolum. teſtimonio ſenſū per-  
 noſcimus, ſed ſæpius arguimus ab effectis, quis tam  
 ſtolidè, tam impudenter pernegauerit feſtiuam quā-  
 dam Diuinæ Matris Pr̄ſentiam inter Lauretanæ Do-  
 mus parietes mirabiliter inſidentem, cuius effecta  
 pr̄ſentiſſima bella, morbi, naufragia, peſtilentiæ, func-  
 ra, cunctæ prorſus calamitates, & infortunia, ipſa mō-  
 ſtra, ſuriæq. Tartarorum victa, poſtrata, proſtigata ob-  
 ſtupeſcentre Natura ſentiunt, & quaſi prædicant ex  
 appenſis votis pretioſo metallorum, gemmarumque  
 præconio, vt omnino congruat beneficę Domus Mu-  
 nificentię, quod olim de Virgine Damascenus veriſ-  
 ſime prædicauit; eſſe nimirum Officinam Chriſti be-  
 neficiorum, atq. donorum. Conſerte iam, ſi placet, cū  
 hoc diuino Domicilio, quę nuper enumerui ſacrofan-  
 cta monumenta degentiſ in Terris Dei ſub humanę  
 Mortalitatis indicijs; ea certe omnia Dei Patris filius  
 agnoſcebat ſua, nihil tamen illa maternum, nihil de  
 Parente Virgine præ ſe gerebant, teſtabantur ea qui-  
 dem Deum hominem, humanęq. conditionis capa-  
 cem, filium hominis non teſtabantur, qua potiffimum  
 appellatione Diuinā Charitas delectabatur. Veſtes  
 humani corporis ſunt indicia, Infantis ætatis incunabu-  
 la, Clauis, lancea, ſpinæ, Crucis patibulum diuino quā-  
 uis imbuta ſanguino Diuinitatem expirent, patientis  
 tamen corporis notæ ſunt, Sepulchrum expers cada-  
 ueris ſolam recondit memoriā demortui ſi mul, ac  
 reſurgentiſ; proſectò Seruatoris Humanitatem hæc  
 omnia luculentiffimè conteſtantur, ſed non Humanitatem  
 acceptam à Matre, hominem ſonant, non filiū  
 Virginis, Dei hominis monumenta ſunt, ſed à Matre  
 ſeiuncta, corpoream ipſius Naturam euincūt, & ama-  
 bilē ad homines ad hæſionem. at quod hec inſa Na-



tura è purissimo Virginis sanguine concreta fuerit, in vtero castissimo Dei filius Matris viscera senserit Virginis intactæ foetus, omnino silent; solum hæc augustissima decora Diuinæ Matris Deum in se concipientis solū illud Conclauē foelicissimum. miraculorū clamoribus vociferatur. Quid enim e sanctissimis olim regionibus in medium proferri possit, ineffabilis mysterij particeps, legationis Angelicæ concium, Testis consensus Virginis ad propositum Dei Matris nomē, & simul Virginis integritatem, diuini Spiritus allapsu beatum? Quis nam alius erit Thalamus nuptiarum, inter diuinam, humanamq. naturam in vtero Virginali, quæ nam alia Sedes, & Caput, vbi fons, & origo sempiternæ Beatorum foelicitatis almæ Virginis manauit è sanguine? quid deniq. primum peregrinantis ad se Diuinitatis Hospitium se se iactabit, quod Verbum hominem factum ex Virgine meruerit parietibus excipere, solo sustinere tecto contegere, ambitu supra-cœlestem immensitatem capacissimo cōplecti, & iure materno, quod sequitur foetus, vnum de sua familia numerare? solum illud Conclauē præstantissimum sic Dei, & Hominis mirificam coniunctionem poterat ostentare, vt ipsam Virginem Dei Parentem dissimulare non posset, Deum in se hospitem gloriose proclamare? Hospitantem in Matre Virgine primo demonstrat. Suum domesticum, atque Hærum agnoscit? ideo certè, quod Virginis agnoscat filium, Infantem, Puerum, Adolescentem, Iuuenem in se Deum educasse præ cæteris gloriatur? Virginis pendentem ab vberibus, inter Virginis Complexus, & oscula gestientem, maternę assidentem mensæ, maternis indutum vestibus, vtentem materna consuetudine, & contubernio, maternis imperijs obsequentem, vno verbo sub Virginis Matris tutela Filium familias indicabit. Quas ergo miraculorum machinas extruere non debuerat Diuina potentia, vt tam illustre Parentis diuinæ testi-

monium statueret in lucē publicæ pietatis / Quam san-  
 nē curam, & sollicitudinem Diuina prouidentia non  
 impenderet, vt ea Domus, in qua Cœli reparatio bea-  
 ta duxit initia intra viscera Matris, ac Virginis, tota  
 spectaret ad Cœlum, nec terrenis insisteret fundamē-  
 tis, sed cœlesti solum potentiæ inniteretur? Quam an-  
 xio, quam efficaci conatu ipsamet Innocentia Domū  
 suam à maligno solo, ab alluione scelerum eriperet,  
 quam ē tota rerum Vniuersitate solam ostentare pos-  
 set innocentem? Quem illa Mundi angulum reperis-  
 set non aliqua criminis labe fœdatum? Si ad primæ-  
 uam deliciarum Sedem, & Hortum voluptatis olim  
 suæ conuertat oculos, prope Arborem innocentis vitę  
 iacta mortis, & peccati semina reformidat; Si ad reli-  
 quas terrarum plagas, perstricta cunctorum horrore  
 criminum execratur, ac refugit: Si Cœli Sydera, So-  
 lemq. supergressa cœlestem omnem regionem excur-  
 rat, rebellantium vestigia in desertis ibi sedibus lamē-  
 tatur; hæc vna relinquebatur Domuncula, in qua  
 sanctitatis Integritas concepta simul cum Virgine nō  
 modo labeculam vllam non contraxerat, sed semper  
 intaminata, pulchrior, & gratior adoleuerat; donec ac-  
 cessione facta Diuinitatis allapsæ prorsus in immensū  
 excreuerit. Et pati vnquā potuisset Innocentia, suam  
 regiam, suum delictum planē vnicum scelestis indige-  
 nis impiari? Inter vlnas castissimæ religionis arctissi-  
 me nō foueri? extremis pietatis conatibus, obsequijsq.  
 non coli? Ostendite Christi tunicam Innocentiæ, ex  
 osculabitur quidem, vt indumentum Dei, vt remediū  
 nocentis nuditatis auersabitur; proponite Bethelēmis  
 præsepium; Certe vt Dei Cunas adorabit, vt Homīnū  
 flagitium detestabitur, locum nascenti Numini dene-  
 gantium: obstrudite Clauos, Flagra, Lanceam, spinas,  
 Crucem, Diuinæ purpuræ charitatis venerabitur; ac  
 in iisdem perfidam hominum immanitatem abomi-  
 nabitur; in vna Lauretana Domo nulla noxæ vesti-

gia, nullam sceleris umbram, nullam culpe contagio-  
nem extimescit, Nihil ibi diuina indignatione turbi-  
dum, nihil iustissimæ peruium ultioni, nihil Cœlestis  
offensionis nubecula non serenum. Præfulget ubique  
sanctitas, ridet undique lepor & festiuitas gratiarum,  
aura diuini Amoris usquequaq. respirat, quidquid  
omnino est, innocentiae voluptas est, nec aliud redole-  
re poterit, nisi diuinam ambrosiam pietatis, nisi prodig-  
ia sanctitatis Ioachimū, Annam, Iosephum, Dei  
Matrem, Deum. Sed quid pluribus innocentiae prose-  
quor pro domo sua patrociniū? ipsa cœlestis beati-  
tudo, quæ pro regia Cœlum obtinet, & commune  
cum immensa Diuinitate possidet Augustale, suum  
habet Sacrarium, imò suam agnoscit natalem Sedem  
in hoc Virginis Domicilio: Si enim tota summa non  
creata modo, sed etiam diuinæ beatitatis præstantis-  
sima, diuinæ pulchritudinis inspectione, atq. possessio-  
ne conficitur; vbinam primū humanæ mētis acies  
in ipso Diuinitatis Sole visum, obtutumq. defixit, &  
ex obiecta perfectionum infinitate diuina gaudia, &  
beatam oblectationem exhaustit, nisi Nazaræna sub  
Domo, in qua vera Hominis Natura indiuisibili vin-  
culo cū Diuinitate coniuncta sub utero Virginis Deū  
apertissime cōtemplata instituit foelicissima primor-  
dia nostræ Beatitatis? Cum ergo Beatōrum Princeps,  
& Caput hac primum in Domo clarissime Deum in-  
tuitus inceperit omnibus numeris absolutissimè bea-  
tus esse, quis eam Sempiternæ foelicitatis natalem re-  
giam, & eiusdem in terris Sacrarium inficiabitur? Quæ  
cum ita sint, nullus admirationi sit locus, si diuina  
beneuolentia præ cæteris huic Domunculæ blandia-  
tur, quam tot, tantisque prærogatiuis, ac titulis non vt  
partem Orbis terrarum, sed vt Cœli Appendicem, ip-  
soque Cœlo ex parte nobiliorem reputat, & peculiari  
quodam nomine suam agnoscit. O præclaram, ò sin-  
gularem Picei Soli excolatam, & alacriter non hu-

mano consilio, sed diuino iudicio cuiuscunque loci fastigio præferendam! Tuam intra præstantiam dixerim, si te Dei Ocellum appellauerim, Diuinam quippe quasi Pupillam obtines, vbi primum beatissima visio in ipsius Auctoris beatitatis emicuit admirante plane Cœlo, & vix fieri posse credente, esse quiddam Cœlo beatius in Piceno. Neq. solùm tuis vlnis fortunatissima regio summam suarum Deliciarum credidit diuina beneuolentia, sed publico, diuinoque testimonio certam, & comprobata in voluit Sanctimoniam, ac pietatem tuam. Si enim hæc intaminata Domus indigna bunda sæpius fuga declarauit, vbi solida non sit pietas, ibi non posse consistere, cum in sinu tuo tot annos iam suauissime conquiescat, perpetuo sanè, atq. indubitato præconio tuâ pietatem, religionemque commendat. Tandem tibi gratulor Roma publicæ Virtutis Emporium, cui Principis integerrimi non magis purpura, quam ardore pietatis in Virginē æstuantis exemplo, studio, piaque liberalitate tanta facti est accessio cultus, ac venerationis in Augustissimam Domum; equidem cum admirabilem speciem beatissimi Domicilij alis Angelorum volitantis per tuas olim triumphales vias aspicio triumphantem, in te videro mihi videor pietatem in Virginem, Et certè si spectauit ad Cœlum Matris Virginis Domum, ad Diuinæ Sponsæ delicias referuare, spectabat ad Romam Cœli vices obeuntem in terris, tanti memoriam beneficij, solemni triumpho prosequi, & publica quotannis eiusdem expressione restaurare.

*F I N I S.*